

## 12. gr.

Brot á reglugerð þessari varða sektum allt að kr. 500.00, nema þyngrí refsing liggja við að lögum. 11. okt.

215

## 13. gr.

Með reglugerð þessari er úr gildi felld gjaldskrá um vatnsskatt í Vatnsveitufélagi Selfoss, nr. 94 10. september 1935.

Reglugerð þessi, sem samin er og samþykkt af hreppsnefnd Selfosshrepps, staðfestist hér með samkvæmt vatnalögum, nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, er hlut eiga að máli.

*Félagsmálaráðuneytið, 11. október 1950.*

F. h. r.

**Jónas Guðmundsson.**

*Hallgrímur Dalberg.*

## SAMPYKKT

216

11. okt.

### um stjórn bæjarmálefna Húsavíkurkaupstaðar.

## 1. gr.

Bæjarstjórn Húsavíkur er skipuð 7 kjörnum bæjarfulltrúum. Þeir taka ákvarðanir á bæjarstjórnarfundum um þau málefni, sem bæinn varða og til bæjarstjórnar koma.

Auk bæjarfulltrúa er bæjarstjóra skylt að sitja fundi bæjarstjórnarinnar. Hann hefur þar málfrelsi og tillögurétt, en ekki á hann þar atkvæði, nema hann sé jafnframt bæjarfulltrúi.

## 2. gr.

Störf bæjarstjórnar eru þessi:

1. Hún fer með fjármál bæjarins. Hún kveður á um lántökur handa bænum og gerir samninga um þau efni, gerir áætlanir um tekjur hans og gjöld hvert almanaksár og úrskurðar reikninga hans. Eigi má greiða fé úr bæjarsjóði, nema heimild sé til þess í fjárhagsáætlun bæjarins eða annarri ákvörðun bæjarstjórnar.
2. Hún setur reglur um stjórn bæjarmála, þar á meðal um meðferð á eignum bæjarins samkvæmt gildandi réttarreglum.
3. Hún kýs nefndir, bæjarráð, bæjarstjóra og endurskoðendur reikninga bæjarins, ákveður laun þeirra og annarra fastra starfsmanna bæjarins.
4. Hún fer með önnur þau mál, er til hennar koma að tilhlutum stjórnarvalda, nefnda eða bæjarráðs, og kemur fram fyrir bæjarins hönd um samninga og fyrirvar bæjarins að öðru leyti, nema öðrum sé það falið.
5. Bæjarstjórn getur tekið til meðferðar hvert það málefni, sem bæinn varðar og réttilega er undir hana borið.

Bæjarfulltrúum er heimilt að sjá bækur og skjöl bæjarins.

## 3. gr.

Þessar fastanefndir skal bæjarstjórn kjósa í febrúarmánuði ár hvert, svo framrlega sem ekki er annað kjörtímabil ákveðið í sérstökum lögum. Hlutfallskosningu skal við hafa að því leyti sem þess er kostur:

- 216  
11. okt.
1. Brunamálanefnd.
  2. Byggingarnefnd.
  3. Hafnarnefnd.
  4. Rafveitunefnd.
  5. Vatnsveitunefnd.
  6. Barnaverndarnefnd.
  7. Fræðsluráð.
  8. Sjúkrasamlagsstjórn.
  9. Heilbrigðisnefnd.
  10. Kjörstjórn.

Auk þess kýs bæjarstjórn bæjarráð og endurskoðendur bæjarreikninga, svo og aðrar þær nefndir, sem nauðsyn krefur eða skylt er samkvæmt sérstökum lögum.

Þeir utanbæjarstjórnamenn, sem kosnir eru í nefndir þessar, geta neitað endurkosningu að kjörtímabilinu loknu um eitt kjörtímabil.

#### 4. gr.

Bæjarstjórn getur skipað fulltrúa í sérstakar nefndir (lausanefndir) til þess að íhuga og undirbúa einstök mál. Svo getur bæjarstjórn og falið bæjarstjóra og bæjarráði eða einstökum bæjarfulltrúum athugun og undirbúning einstakra málefna.

Rétt er bæjarstjórn að taka til umræðu og ályktunar málefni, þótt nefnd, bæjarstjóri eða bæjarráð hafi það til meðferðar, eftir þeim reglum, sem í fundarsköpum segir.

#### 5. gr.

Ef bæjarfulltrúi, kosinn í nefnd, forfallast eða getur ekki gegnt störfum sakir fjarvistar, eða hans missir við með öllu, þá tekur sæti hans varamaður samkvæmt þar um settum reglum.

#### 6. gr.

Bæjarstjóra er rétt og skylt að sækja fund fastanefnda þeirra, sem hann á sæti í. Hefur hann þar sömu réttindi og á bæjarstjórnarfundum samkv. 1. gr.

Rétt er, að bæjarstjóri sé formaður þeirra nefnda, sem hann á sæti í vegna embættisstöðu sinnar.

#### 7. gr.

Brunamálanefnd skipa 4 menn ásamt slökkviliðsstjóra eða í forföllum hans varaslökkviliðsstjóra. Sjálfkjörnir eru í nefndina bæjarstjóri og bæjarfógeti. Þá tvo menn, sem ekki eru sjálfkjörnir, má kjósa utan bæjarstjórnar.

Brunamálanefnd skal hafa eftirlit með brunamálum bæjarins og slökkviliði og gæta þess, að þar um settum lögum og reglum sé fylgt.

#### 8. gr.

Byggingarnefnd skipa 4 menn auk bæjarstjóra, sem er sjálfkjörinn formaður nefndarinnar lögum samkvæmt. Tveir hinna kjörnu nefndarmanna skulu vera bæjarfulltrúar, en tveir utan bæjarstjórnar. Byggingarfulltrúa er skylt að sitja fundi byggingarnefndar.

Byggingarnefnd annast byggingarmálefni bæjarins, samkv. fyrirmælum í lögum og samþykktum um þau mál, en auk þess heyra undir byggingarnefnd skipulagsmál bæjarins.

#### 9. gr.

Hafnarnefnd skipa þrjú menn kosnir af bæjarstjórn.

Hafnarnefnd annast stjórn og framkvæmdir hafnarmála, þar á meðal eftirlit með höfninni, samkvæmt fyrirmælum þeim, sem þar um gilda.

## 10. gr.

Rafveitunefnd er skipuð 3 mönnum, en auk þess er rafveitustjóra skylt að sitja fundi hennar. Hann hefur þar málfrelsi og tillögurétt, en ekki á hann þar atkvæði, nema hann sé kosinn í nefndina. Rafveitunefnd hefur á hendi stjórn rafveitumála Húsavíkur, samkv. reglugerð og samþykktum um Rafveitu Húsavíkur.

216

11. okt.

## 11. gr.

Vatnsveitunefnd er skipuð 3 mönnum kosnum af bæjarstjórn.

Nefndin hefur eftirlit og umsjón með vatnsveitukerfi bæjarins, sér um viðhald og gerir tillögur um aukningu vatnsveitunnar o. fl. samkv. reglugerð um vatnsveitu Húsavíkur.

## 12. gr.

Barnaverndarnefnd er skipuð 3 mönnum kosnum af bæjarstjórn.

Nefndin hefur á hendi eftirlit með uppeldi barna innan 16 ára aldurs, og vanþroska eða veikra unglinga, sbr. lög um barnavernd.

## 13. gr.

Fræðsluráð er skipað 5 mönnum og kys bæjarstjórn þá alla.

Fræðsluráð hefur umsjón og eftirlit með fræðslumálum bæjarins, samkvæmt lögum þar um.

Fræðsluráð skal hafa á hendi skólanefndarstörf fyrir barnaskólann og gagnfræðaskólann.

## 14. gr.

Í sjúkrasamlagsstjórn kys bæjarstjórn 4 menn, en formaður er skipaður af ráðherra.

Sjúkrasamlagsstjórn hefur með höndum þau mál, er sjúkrasamlagið varða samkvæmt lögum þar um.

## 15. gr.

Í heilbrigðisnefnd eru sjálfkjörnir bæjarfógeti, sem er formaður hennar, og héraðslæknir. Þriðja maðinn kys bæjarstjórn í nefndina.

Nefndin starfar samkvæmt lögum og heilbrigðissamþykkt bæjarins.

## 16. gr.

Kjörstjórn er skipuð 3 mönnum kosnum af bæjarstjórn.

Kjörstjórn starfar samkvæmt fyrirmælum kosningalaga.

## 17. gr.

Bæjarráð er skipað 3 mönnum, sem bæjarstjórn kys úr sínum hópi. Auk þess á bæjarstjóri sæti á bæjarráðsfundum með sömu réttindum og á bæjarstjórnarfundum samkvæmt 1. gr. Ef bæjarráðsmaður forfallast eða hans missir við, tekur sæti hans varamaður af sama lista sem aðalmaður, fyrst bæjarfulltrúi eða fulltrúar, ef til eru og ekki forfallaðir, annars varamenn af listanum í sömu röð og þeir mæta á bæjarstjórnarfundum.

Bæjarstjórn getur með einfaldri ályktun ákveðið aðra tölu bæjarráðsmanna.

Bæjarráð kys sér formann og ritara. Hlutkesti ræður ef tveir fá jöfn atkvæði.

Bæjarráð hefur til meðferðar þau mál, sem varða fjárhag bæjarins, undirbýr fjárhagsáætlun og ákveður bókhaldsfyrirkomulag. Það hefur og á hendi, ásamt bæjarstjóra, umsjón með fasteignum bæjarins, og öðrum þeim eignum, sem ekki eru í umsjón annarra nefnda samkv. samþykkt þessari eða sérstökum samþykktum. Til bæjarráðs má einnig vísa öðrum þeim málum, þótt ekki snerti fjárreiður bæjarins,

**216** sem ekki verður séð að séu á verksviði annarra nefnda bæjarins, eða bæjarstjórn 11. okt. ákveður að fela öðrum.

Bæjarráð heldur að jafnaði einn fund í viku og oftár, ef bæjarstjóri eða meiri hluti bæjarráðsmanna óskar þess. Á fundum ræður afl atkvæða.

Bæjarráðsmenn fá þóknun fyrir störf sín, svo sem bæjarstjórn ákveður.

18. gr.

Starfsmenn bæjarins eru þessir: Bæjarstjóri, bæjargjaldkeri, sem jafnframt er fulltrúi bæjarstjóra, bæjarverkstjóri, byggingafulltrúi, ef bæjarverkstjóri getur ekki haft það starf með höndum, slökkviliðsstjóri, varaslökkviliðsstjóri, rafveitustjóri, hafnarvörður og aðrir fastráðnir menn, sem föst mánaðarlaun taka úr bæjarsjóði eða frá stofnunum bæjarins.

Um launakjör starfsmanna bæjarins og eftirlaun fer eftir reglum, sem bæjarstjórn setur.

19. gr.

Bæjarstjóri annast framkvæmdir á ákvörðunum bæjarstjórnar og nefnda, sem ráða málum til úrslita, nema þær séu öðrum faldar. Hann veitir forstöðu fjármálum bæjarins, ávísar útgjöldum bæjarsjóðs, hefur á hendi umsjón með stjórn á innheimtu bæjartekna og umsjón sérstakra sjóða í vörzlum bæjarins; hann sér um, að gerðir séu reikningar bæjarins og skýrslur um eignir og skuldir, hefur umsjón með stjórn bæjargjaldkera á bæjarsjóði og innheimtu tekna bæjarins og stofnana hans. Hann annast bréfagerðir bæjarstjórnar og nefnda og hefur eftirlit með starfsmönnum bæjarins og störfum þeirra. Í forföllum bæjarstjóra gegnir fulltrúi hans störfum hans, nema þau séu sérstaklega öðrum falin. Bæjarstjóri skal sjá um, að árlega sé samín tæmandi skrá yfir lausar eignir bæjarins, svo sem verkfæri, vélar, áhöld, efni og annað þess háttar, er beri með sér, hvað keypt hefur verið á árinu, hvað notað og hvað farið forgörðum.

20. gr.

Ársreikningar bæjarsjóðs og hafnarsjóðs skulu samdir fyrir 1. apríl. Skulu endurskoðendur bæjarins síðan innan 4 vikna hafa lokið endurskoðun sinni á reikningum. Bæjarráð gerir svo, með ráði endurskoðenda, tillögur um reikningana fyrir 15. maí, og skulu þeir þá lagðir fyrir bæjarstjórn samkv. 17. gr. í lögum um bæjarstjórn í Húsavík.

21. gr.

Um skipun niðurjöfnunarnefndar, álagning bæjargjalda, gjalddaga og ábyrgð á greiðslum þeirra, fer að lögum um útsvör. Ef bæjargjöld eru ekki greidd á gjalddaga, ber að innheimta þau svo fljótt, sem kostur er, og með lögtaki, ef á þarf að halda.

22. gr.

Til þess að breyta samþykkt þessari þarf úmræður á tveimur fundum í bæjarstjórn og samþykki meiri hluta atkvæða.

Samþykkt þessi, sem bæjarstjórn Húsavíkurkaupstaðar hefur gert samkvæmt lögum nr. 109 30. desember 1949, er hér með staðfest til þess að öðlast gildi þegar í stað.

*Félagsmálaráðuneytið, 11. október 1950.*

F. h. r.

**Jónas Guðmundsson.**

*Hallgrímur Dalberg.*